

## 16. QUAND SONA I CAMPAN

Quand mè t'hoo vista passà  
on dì per la mia via  
me son sentii namoraa  
mia piccola Maria.  
Quand poeu te m'et domandaa  
se mè te sposaria  
me son sentii tutt el sangh a bui  
e t'hoo respost de sì. RIT

RIT. Quand sona i campann,  
dindòn, dindàn, a la periferia,  
quand sona i campann,  
dindòn, dindàn, mè te spetti, o Maria!  
Per ditt che tra on ann,  
dindòn, dindàn, te sareet tutta mia!  
Vedi già dò stanzett  
con trii o quatter mas'cett che me ciamen "papà":  
son content come on ratt, mè doo foeura de matt  
per la felicità.

Parli con tutti de tì  
la sera e la matina  
e spetti semper quell dì  
de fatt la mia sposina.

Nissun l'è alegher 'me mì  
in tutta l'oficina:  
canti, lavori, me senti seren  
perchè te voeuri ben. RIT